

commemoratas pertinere , sed re diligentius considerata.
cognoui , id ita non esse. Sciebam quidem Andream Mullerum de eadem causa scripsisse , idque a Tenzelio didiceram. Sed eius libri omnes tam rari sunt hodie , vt vix eorum vindendorum spes sit aliqua. Contigit tamen tam felici esse mihi , vt nuper consequeret tale eius libri exemplar , in quo Mullerus manu sua litteras Sinicas quotquot deerant adscripsit. Idem in aliis amicorum exemplaribus eum fecisse a Tenzelio proditum legi , quale etiam Dauid Blaesingus noster , quem honoris causa nomino , nactus , in luculenta bibliotheca sua repositum habet. Procul est a moribus meis obtrectatio , praesertim eorum , quorum opera vel minimum profeci : tamen dissimulare non possum , id quod est , quodque omnes , qui iudicare possunt , inuenient , Mullerum glriosum rerum suarum aestimatum , plurima ambitione ostentasse , veluti vt populus concitatus flagitarat , idemque fecisse in hac operâ , quam ne passus est quidem in omnium manus venire integrum , nec ita euulgauit , vt proficeret aliquis aut planissime cognosceret , quantum Mullerus in ea re posset ; dum interim maiora et enucleatoria promittit. Nam haec eius in lacerandis consindendisque libris suis peculiaris ambitio , non modo sub mortem , cum haud paucos combureret , sed quoad vixit etiam , multis scriptis perniciofa fuit. Hodie enim vix liber ab eo scriptus inuenitur , cui non desit aliquod folium , ab autore ipso disceptum. Perfectum et absolutum omnibus numeris , nihil edidit vñquam , ne plane cognosceretur , sed veluti , quod Alcaeus dicebat , leonem ex vnguis , sic sua scripta ex eorum compendiis sinebat iudicari. Similiter in explicanda hac eclipsi versatus est. Scripserat ad eum Adamus Adamandus Cochanius & S. I. vir cum aliis doctrinis , tum Mathematum studiis celebris , se , quia ex Gabiani historia de memoria istius

B

eclipsenos